

# Liujcouh Lai Vatcimh “Lungz” Minzczu Vwnzva Gyalaeg “Haj Aen Nyinhdoengz”

Gaenh geij bi neix, Liujcouh Si Cwngzcungh Gih gaenjdaet humx-heux hoenz “cienzciep” Cunghvaz conzdungj vwnzva maenhndei, laebdin giekdaej “swnghhoz” yinzminz ginzcung, doidoengh fwed “hwngfat” ginghci sevei, youq gwnz giekdaej gij cienzgangj bet lungz youz Liujgyangh caeuq Liujgyangh vwnzva cienzciep caemhcai q hwngfat minzsug hozdung “lungzvangz okyouz”, doicaenh vwnzva gagsaengq gaggiengz, doidoengh gak cuz ginzcung gyalaeg “haj aen nyinhdoengz”.

It dwg laebhwnj aen gwzgz cwngfuj dazyinx daengxcungq vunz camgya. Gihvej Dunghcanbu、Gih Minzcunghgiz daengj 19 aen

bouhmonz, lienzhab dingh ndei gak hangh “lungzvangz okyouz” fangh’an, laeb mizgven gunghcozcu, gveihva dieg cunzyouz, lienz sam diuz gai gig miz deihfueng daegsaek caeuq Vujsingh、Cinghyinz、Funghcingz-gangj daengj gai gaicawx baenz aen cingdaej ndeu, doidoengh minzczu vwnzva yiengq daegsaek ginghci hwngfat, supyinx vunzvunz bouxyouz camgya, mizyauq gikfat rengzhoengh hawsingz.

Ngeih dwg yungh ngoenzciet guh gaiqdap, lai vatcimh minzczu vwnzva. Iucingj bouxcienzswnj feihyiz、bouxcoz gagnyienh caeuq yisuzdonz bouxlaux gaenh 600 vunz gapbaenz “bet lungz soengqlaex” doih cunzyouz,

gyoengqde daenj ndangdaenj Gun、Cuengh、Myauz daengj minzczu, cang gak cungj giek gojgaeqfangz, giet-hab ciengnyied cibngux vadaeng baijok, gyalaeb hauilai doxgyau hanghmoeg, yungz singjsae、fouxlungz daengj conzdungj byaujyenj, cauxbaenz aen minzczu vwnzva hozdung cauhamoq comz gigwn ndei Liujcouh、conzdungj fungsug dox-caemh ndeu, coicaenh gak cuz ginzcung sam gyau.

Sam dwg baengh goghi soujduenh, cauhamoq doigvangq senh-conz. Hozdung geizgonq, baengh mizgven vunz vangjloz, yungh gij hingzsik ngeixdaug Liujcouh、gwnz gai caijfangj daengj, youq veizsin、

veizboz、doujyinh、hawciengz LED bingz daengj meizdij moq guh senhconz; daengz seiz hozdung, youz dungjan minzcungh caeuq senhconz bouhmonz cujdauj、vangjloz daih V yienhciengz gaen ingj gejnaeuz, vuzyinzgih youq gwnz mbwn doq ingj doq cienz yienhciengz cingzgvang, veizsin sibinzhou、veizboz caeuq doujyinh cigboq ndawde soq yawj miz daih’iek 30 fanh vunzbaez, “feihyiz banj lungzvangz okyouz” saedyienh hamj seizgan ndawhoengq vwnzva cienzciep, doidoengh cauxbaenz aen vunqsik feihyiz cienzciep moq bujgizvaq、gyonjcomzvaq、cienz-mienhvaq.

(Ceh Libingz/车丽萍)

## Mungzsanh: Guh Seizcin Haihag Gijgwn Ancienz Cienhangh Genjcaz Hengzdoengh

Gaenh geij ngoenz neix, Mungzsanh Yen Hawciengz Gamguenj Giz guh 2025 nienz seizcin haihag yozyau gijgwn ancienz cienhangh genjcaz hengzdoengh, genjcaz gij ranzdajcawj caeuq sanghden daengx yienh cunghyoz siujyoz、youwzyenz, cungdenj genjcaz gijgwn hab mbouj hab ancienz byauhcuinj, veiswngh dieg gyagoeng seuq mbouj seuq, bouxguh hong miz mbouj miz swchiz daengj, saedbauj hagseng gaiqgwn ancienz ndaej baujjang.

(Vangz Swnglinz/黄胜林)



▲Bouxcaepfap youq ranzdajcawj hagdangz genjcaz.



▲Canghdajsan doxdax san doxgaiq.

## Fangzcwngzgangj: Doxdax Dinfwngz Dajsan

2 nyied 13 hauh, Fangzcwngzgangj Si Fangzcwngz Gih Danhyingz Yangh guh doxdax dinfwngz dajsan. 20 lai boux canghdajsan daj ndaw yangh gak mbanj daeuj comz youq giz ndeu, gyoengqde song fwngz lingzdoengh, dungcoz dajsan raeuz, yaep ndeu, baenz aen baenz aen lamzcuk、lozcuk daengj conzdungj doxgaiq yungh couh youq ndaw fwngz gyoengqde san baenz lo. Hozdung yienh’ok gij yinxdaeuz daegbied dajsan, hix hamz miz geij cien bi coengmingz caeuq gaenxguh Cunghvaz Minzczu.

(Liu Hungz/廖洪)

## Denzyangz: Bouxcoz Daihhagseng Doxcanj Camgya Hozdung Goeng’ik Fuzvu Ranzmbanj

Laebdaeb geij ngoenz, Bwzswz Si Denzyangz Gih bouxcoz daihhagseng bouxgagnyienh yungh hanzgyaj cikgig camgya hozdung goeng’ik fuzvu, youq cehcan bang gyoengq ginzcung okrog bae guhhong haenx buen doxgaiq, dazyinx sienqlah daengj, lai fuengbienh caeuq bangcoh gyoengq ginzcung, ndaej hauilai vunz haenh.

(Vangz Gozsun/黄国顺)



▲Bouxgagnyienh hagseng bang vunz buen doxgaiq.